

Lambat but komputer

Diskusi ICT



Bersama **FIRKHAN**
sembangit@yahoo.com

BAGAIMANAKAH cara mengatasi masalah but lambat dalam sistem Windows 10?

- JEN, Kuala Rompin.

But masuk komputer ke dalam sistem Windows 10 menjadi perlahan mungkin disebabkan oleh masalah perkakasan atau konfigurasi dalam sistem Windows 10 itu sendiri.

Oleh itu, di sini dicadangkan beberapa perkara yang boleh cuba dilakukan untuk mengembalikan masa but sesuai bagi sesebuah komputer sistem Windows 10.

1 Nyah aktifkan fungsi but pantas dalam sistem Windows 10. Perkara ini disetkan aktif secara alami. Pergi ke menu *Start*, taip *Power Options* dan klik pada pilihan tersebut. Dalam tettingkap *Power Options* pergi ke menu *Choose what the power button does > Change settings that are currently unavailable > Shutdown settings*. Dalam menu *Shutdown settings*, nyah tandakan pilihan *Turn on fast startup*. Simpan perubahan yang dibuat dan but semula komputer.

2 Buat pemantauan dan pilih nilai sesuai untuk memori maya dalam sistem Windows 10. Pergi ke menu *Start*, taip *Performance* dan pilih *Adjust the appearance and performance of Windows*. Klik pada *tab Advanced* dan lihat pada ruangan *Virtual Memory* untuk memori maya bagi Windows 10. Klik pada butang *Changes*.

Seterusnya, lihat pada

bahagian bawah tettingkap di bahagian *Total paging file size for all drives*. Di situ, lihat nilai saiz memori maya atau *paging file* bagi *Recommended* dan *Currently allocated*. Sekiranya nilai saiz bagi *Currently allocated* melebihi nilai *Recommended*, perlu buat perubahan dengan nyah tandakan bagi pilihan *Automatically manage paging file size for all drives*.

Seterusnya, klik pada *Custom size* dan masukkan nilai bagi *Initial size* dan *Maximum size* seperti nilai yang dicadangkan. But semula komputer.

3 Sekiranya sistem Windows 10 yang digunakan mempunyai program arahan *Linux*, nyah aktifkan program tersebut.

4 Sila kemas kini program pemacu atau *driver* bagi kad grafik yang digunakan. Sistem Windows 10 banyak menggunakan sistem grafik termasuk kemas kini antara mukanya dan ini banyak mengundang masalah kepada konfigurasi tetapan penggunaan kad grafik. Perkara ini boleh menyebabkan but kepada sistem komputer menjadi perlahan.

Klik kanan pada menu *Star*, klik pada *Device Manager* dan pergi ke *Display adapters* untuk melihat jenis kad grafik yang digunakan. Muat turun program kemas kini pemacu kad grafik dan pasang pada sistem Windows 10.

Sekian dibincangkan beberapa perkara yang boleh dibuat sekiranya but komputer menjadi perlahan. Sekiranya bermasalah juga, buat pemasangan semula sistem Windows 10 ke atas komputer tersebut.

